

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: opcina.banovici@bih.net.ba, Web: www.opcina-banovici.com.ba

Broj: 01-05-1182/16- 4

Datum: 28. 07. 2016. godine

Na osnovu člana 64. stav 1. tačka b., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-1182/16-3 od 27. 07. 2016. godine i Zapisnika o pregledu i ocjeni inicijale i konačne ponude u pregovaračkom postupku bez objave obavještenja o nabavci broj 01-05-1182/16-2 od 27. 07.2016. godine u postupku javne nabavke radova „Izvođenje dodatnih radova na regulaciji rijeke Litve“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavke broj: 01-05-1182/16- 3 od 27. 07. 2016. godine i Ugovor za javnu nabavku radova „Izvođenje dodatnih radova na regulaciji rijeke Litve“ dodjeljuje se ponuđaču „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj, u skladu sa ponudom broj: 01-P-35/16, za ponuđenu cijenu od 7.809,75 KM bez obračunatog PDV-a koji je ponudio prihvatljivu ponudu.

Član 2.

Prijedlog Ugovora o nabavci radova dostavit će se na potpis izabranom ponuđaču iz člana 1. Ove Odluke istovremeno sa slanjem Odluke o izboru najpovoljnijeg ponuđača.

Rok mirovanja se ne primjenjuje, budući da je u postupku sudjelovao jedan ponuditelj, čija je ponuda ujedno i odabrana, a sve u skladu sa članom 98. stavak 2. točka a. Zakona o javnim nabavkama (Službeni glasnik BiH broj 39/14).

Član 3

Ova Odluka stupa na snagu danom donošenja i objavit će se na internet stranici www.opcina-banovici.com.ba istovremeno s upućivanjem Odluke ponuđaču koji je učestvovao u postupku javne nabavke, u skladu sa članom 71. stav 6. Zakona o javnim nabavkama (Službeni glasnik Bosne i Hercegovine, broj 39/14).

o b r a z l o ž e n j e

Općina Banovići je u skladu sa Odlukom o pokretanju postupka nabavke izvođenja dodatnih radova na regulaciji rijeke Litve putem pregovaračkog postupka bez objave obavještenja o javnoj nabavci broj: 01-

05-1182/16 od 22. 07. 2016. godine donesenom od strane ovog organa pokrenula pregovarački postupak bez objave obavještenja o nabavci za postupak javne nabavke radova „Izvođenje dodatnih radova na regulaciji rijeke Litve“ u skladu sa članom 24. stav 1. tačka a) Zakona o javnim nabavkama (Službeni glasnik BiH broj 39/14) sa ponuđačem „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj, te tendersku dokumentaciju dostavila ponuđaču „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj.

Potreba za provođenjem ove vrste postupka javne nabavke inicirana je od Službe za planiranje, razvoj i poduzetništvo općine Banovići i Nadzornog organa „Tanović“ d.o.o. Banovići iz osnovnog ugovora broj 01-05-1684/15 od 30.12.2015. godine. Nakon razmatranja obrazloženog prijedloga predlagača o potrebi izvođenja dodatnih radova donesena je predmetna Odluka.

Procijenjena vrijednost javne nabavke bez PDV-a je 8. 000,00 KM.

U skladu sa članom 28. stav 4. Zakona o javnim nabavkama ugovorni organ je na svojoj internet stranici www.opcina-banovici.com.ba objavio namjeru vođenja pregovora bez objave obavještenja, odnosno Odluku o pokretanju postupka nabavke izvođenja dodatnih radova na regulaciji rijeke Litve putem pregovaračkog postupka bez objave obavještenja o javnoj nabavci.

Zakonski osnov za provođenje ove vrste postupka javne nabavke temelji se na članu 24. stav 1. tačka a) Zakona o javnim nabavkama (Službeni glasnik BiH broj 39/14) u kojem je navedeno da u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključeni ugovor, ali koji usljed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski odvojiti od osnovnog ugovora bez većih nepogodnosti za ugovorni organ. Takav ugovor može se zaključiti sa dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora.

Obzirom na utvrđeni zakonski osnov za provođenje ove vrste postupka javne nabavke prilikom pripreme tenderske dokumentacije utvrđeni su uslovi za kvalifikaciju i predviđena potreba podnošenja inicijalne ponude uz naznaku da u slučaju da inicijalna ponuda odgovara svim zahtjevima i potrebama ugovornog organa ista se može smatrati i konačnom ponudom.

Ponuđač je do utvrđenog krajnjeg roka za dostavu ponuda dostavio svoju inicijalnu ponudu.

Komisija za javne nabavke imenovana rješenjem broj: 01-05-91/16 od 18. 1. 2016. godine, ovom organu dostavila je dana 27. 07. 2016. godine, Zapisnik o pregledu i ocjeni inicijale i konačne ponude u pregovaračkom postupku bez objave obavještenja o nabavci broj 01-05-1182/16-2 od 27.07.2016. godine u postupku javne nabavke radova „Izvođenje dodatnih radova na regulaciji rijeke Litve“ i Preporuku o izboru najpovoljnijeg ponuđača broj: 01-05-1182/16-3 od 27. 07. 2016. godine u postupku javne nabavke radova „Izvođenje dodatnih radova na regulaciji rijeke Litve“

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 1 (jedna),
- da je blagovremeno zaprimljena (jedna) ponuda,
- da nema neblagovremenih ponuda,
- da je ponuda Ponuđača „GRADNJA 1“ d.o.o. Tešanj sa sjedištem u Tešnju, Rosulje bb, Jelah Tešanj, broj 01-P-35/16 ocijenjena kao prihvatljiva.

Tenderskom dokumentacijom je predviđena potreba podnošenja inicijalne ponude uz naznaku da u slučaju da inicijalna ponuda odgovara svim zahtjevima i potrebama ugovornog organa ista se može smatrati i konačnom ponudom.

Iz dostavljenog zapisnika proizilazi da Ponuđač dostavio ponudu broj 01-P-35/16 za izvođenje dodatnih radova na regulaciji rijeke Litve, za radove prema tehničkoj specifikaciji i ponudio cijenu 7.809,75 KM KM, bez obračunatog PDV-a.

Ponuđač nije ponudio popust.

Ukupna cijena ponude bez PDV-a iznosi 7.809,75 KM.

Komisija je analizom pristigle ponude, utvrdila da je ista prihvatljiva, da sadrži sve elemente zadane tenderskom dokumentacijom i da je ponudena cijena prihvatljiva i tržišno realna te da cijena dodatnih radova ne izlazi iz okvira dopuštenih 20% vrijednosti osnovnog ugovora (dodatni radovi iz člana 24. stav 1 tačka a)) čija je vrijednost 96. 431,77 KM bez PDV-a. .

Komisija je u skladu sa pravilima TD i nakon analize uslova kvalificiranosti Ponuđača i prihvatljivosti dostavljene ponude s aspekta tehničke specifikacije, cijene i drugih pokazatelja konstatovala da je ponuda u svim aspektima prihvatljiva, da nije potrebno provoditi pregovore sa Ponuđačem ni o jednom dijelu Ponude, te će se ova ponuda smatrati konačnom. Ovakav stav prihvatljiv je i ovom organu.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno zakonu i kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Rok mirovanja se ne primjenjuje, budući da je u postupku sudjelovao jedan ponuditelj, čija je ponuda ujedno i odabrana, a sve u skladu sa članom 98. stavak 2. tačka a) Zakona o javnim nabavkama (Službeni glasnik BiH broj 39/14).

Iz navedenih razloga, ovaj organ je prihvatio preporuku Komisije i donio Odluku kao u dispozitivu.

POUKA O PRAVNOM LIJEKU

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 30 dana od dana objave obavještenja o dodjeli ugovora. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

- 1x Ponuđaču
- 1x U spis
- 1x a/a



OPĆINSKI NAČELNIK

Midhat Husić